

Forskrift om gebyr for sakshandsaming og kontroll etter forureiningsregelverket, Skjåk kommune, Innlandet fylke

Heimel: Fastsett av Skjåk kommunestyre dd. mmmm 202X med heimel i lov 13. mars 1981 nr. 6 om vern mot forurensninger og om avfall (forureiningslova) § 52 a og forskrift 1. juni 2004 nr. 931 om begrensning av forurensning (forureiningsforskrifta) av §§ 2-12 og 11-4 og forskrift 28. juni 2018 nr. 1060 om forbod mot bruk av mineralolje til oppvarming av bygg § 11.

Kapittel 1. Generelle føresegner

§1-1. Formålet til forskrifta

Forskrifta gir kommunen heimel til å dekke kostnadane kommunen har ved sakshandsaming, tilsyn og kontroll som forureiningsmynde etter forureiningslova, forureiningsforskrifta og forskrift om forbod mot bruk av mineralolje til oppvarming av bygg.

§1-2. Verkeområdet til forskrifta

Forskrifta omfattar forhold der kommunen er myndeutøvar etter kapitla 2, 12, 13, 15 og 15A i forureiningsforskrifta og i forskrift om forbod mot bruk av mineralolje til oppvarming av bygg.

Forskrifta omfattar gebyr for sakshandsaming, tilsyn og kontroll med:

1. Opprydding i forureina grunn ved bygge- og gravearbeid (forureiningsforskrifta § 2-12)
2. Utslepp av sanitært avlaupsvatn frå bustadhus, hytter og liknande (forureiningsforskrifta § 11-4, jf. § 12-4)
3. Utslepp av kommunalt avlaupsvatn frå mindre tettbygd område (forureiningsforskrifta § 11-4, jf. § 13-4)
4. Utslepp/påsepp av oljehaldig vatn (forureiningsforskrifta § 11-4, jf. § 15-4)
5. Påsepp av feitthaldig vatn (forureiningsforskrifta § 11-4, jf. § 15A-4)
6. Forbod mot bruk av mineralolje til oppvarming av bygningar (forskrift om forbod mot bruk av mineralolje til oppvarming av bygg, § 11).

§1-3. Kva gebyra dekker

Gebyr etter denne forskrifta skal dekke kostnadane kommunen har med sakshandsaming og kontroll eller tilsyn på dei områda forskrifta omfattar, medrekna løypande dokument- og systemkontroll og stadlege tilsyn etter vurdering av behov.

Gebyra skal ikkje overstiga kostnadane kommunen har ved sakshandsaming eller tilsyns- og kontrollordningar, og blir rekna ut i tråd med sjølvkostprinsippet.

Gebyrstatsar etter denne forskrifta inngår i gebyrregulativet og blir vedtatt årleg av kommunestyret.

§1-4. Gebyrplikt

Gebyr for kontrolltiltak kan fastsetjast som årlege gebyr, sjølv om kontrolltiltak for det enkelte anlegget eller tiltak blir gjennomført sjeldnare enn kvart år.

Gebyrplikt for årlege gebyr trer inn frå gebyrforskrifta trer i kraft for anlegg som omfattast av forskrifta og som ikkje er tatt ut av drift.

For anlegg som får nytt utslepps-/påseppsløyve, vil gebyrplikt tre inn frå og med den betalingstermin bruksløyve/ferdigattest for anlegget er gitt.

§1-5. Gebyrfritak

Gebyrplikt for årlege gebyr opphøyrar når kommunen mottek skriftleg dokumentasjon frå godkjend røyrleggjar på at vatnforsyning er kopla frå eller at krav om utslepps-/påsleppsløyve opphøyrer.

Kommunen kan krevje gebyr etterbetalt frå tidspunktet gebyrfritak er innvilga, dersom anlegget takast i bruk utan kommunen si godkjenning.

§1-6. Innkrevjing

Den som får utført tenester etter denne forskrift skal betale gebyr. Gebyr reknast etter dei satsane som gjeld på det tidspunkt komplett søknad er motteken av kommunen.

Fullt sakshandsamingsgebyr skal betalast òg ved avslag på søknad.

Gebyra er tvangsgrunnlag for utlegg jf. forureiningslova § 52 og tvangsfullbyrdelsesloven § 7-2 bokstav e.

§1-7. Klage

Om det fattast enkeltvedtak med heimel i denne forskrifta, kan dette klagast på etter reglane i forvaltningsloven. Gebyr må betalast innan forfallsdato sjølv om gebyrvedtaket er klaga inn.

Gebyrsatsar fastsett av kommunestyret inngår i betalingsregulativet og kan ikkje klagast på.

§1-8. Mangelfull søknad

Dersom søknaden som kommunen mottek er mangelfull, kjem det eit tilleggsgebyr frå og med det andre mangelbrevet. Tilleggsgebyret kan fakturerast samstundes med at mangelbrevet sendast ut. Tida det blir rekna gebyr for omfattar arbeidet kommunen har med å skaffa dei nødvendige opplysningane, opplysa tiltakshavar om manglar, eller liknande arbeid. Gebyret gjeld alle påfølgjande kapittel i denne forskrifta.

§1-9. Gebyr for avslutta sak før vedtak

For saker som trekkjast før endeleg vedtak, men etter at kommunen har satt i gang sakshandsaminga, skal det betalast 50 % av sakshandsamingsgebyret.

§1-10. Gebyr for anna fakturerbart arbeid

Gebyrpliktig arbeid etter forureiningsforskrifta kapittel 2, 12, 13, 15 og 15 A og forbod mot bruk av mineralolje til oppvarming av bygg som ikkje fell inn under andre føresegner i denne forskrifta, fakturerast etter tida som er gått med. I spesielle/atypiske saker kan kommunen avgjere at saka blir fakturert etter tida som er gått med.

Kapittel 2. Gebyr for sakshandsaming og kontroll med opprydding i forureina grunn

§2-1. Verkeområde

Kapittelet gjeld gebyr for arbeid kommunen har med sakshandsaming og kontroll i samband med opprydding i forureina grunn ved bygge- og gravearbeid, jf. kapittel 2 i forureiningsforskrifta.

§2-2. Gebyr for sakshandsaming og kontroll ved søknad om godkjenning av tiltaksplan

Det skal betalast eingongsgebyr for sakshandsaming og for kontroll ved søknad om godkjenning av tiltaksplan. Gebyra dekker sakshandsaminga til kommunen og arbeidet kommunen har med kontroll og oppfølging i etterkant.

Sakshandsamingsgebyret blir fakturert per tiltaksplan.

Kontrollgebyret kan differensierast etter risiko for skade på helse og miljø.

Differensieringa kjøm fram av gebyrregulativet.

Gebyret blir belasta tiltakshavar.

Kapittel 3. Gebyr for sakshandsaming og kontroll med utslepp av sanitært avlaupsvatn

§3-1. Verkeområde

Kapittelet gjeld gebyr for arbeid kommunen har med sakshandsaming og kontroll av utslepp av sanitært avlaupsvatn frå bustadhus, hytter og liknande, jf. kapittel 12 i forureiningsforskrifta.

§3-2. Sakshandsamingsgebyr for handsaming av søknad om utsleppsløyve

Det skal betalast eit gebyr for sakshandsaming ved:

1. Søknad om utsleppsløyve inntil 15 personekvivalentar (pe).
2. Søknad om utsleppsløyve over 15 pe, inntil 50 pe.
3. Søknad om endring av utsleppsløyve.

Gebyret blir belasta tiltakshavar.

§3-3. Årleg gebyr for kontroll/tilsyn av anlegg med utslepp av sanitært avlaupsvatn

Det skal betalast eit årleg gebyr for kontroll og tilsyn av avlaupsanlegg.

Gebyret blir rekna per anlegg.

Det årlege gebyret blir belasta eigar av avlaupsanlegg.

Kapittel 4. Gebyr for sakshandsaming og kontroll med utslepp av kommunalt avlaupsvatn

§4-1. Verkeområde

Kapittelet gjeld gebyr for arbeid kommunen har med sakshandsaming og tilsyn/kontroll av utslepp av kommunalt avlaupsvatn frå mindre tettbygde område, jf. kapittel 13 i forureiningsforskrifta.

§4-2. Sakshandsamingsgebyr for handsaming av søknad om utsleppsløyve

Det skal betalast eit eingongsgebyr for sakshandsaming ved:

1. Søknad om utsleppsløyve.
2. Søknad om endring av utsleppsløyve.

Gebyret blir belasta tiltakshavar.

§4-3. Årleg gebyr for kontroll/tilsyn av anlegg med utslepp av kommunalt avlaupsvatn

Det skal betalast eit årleg gebyr for kontroll og tilsyn av avlaupsanlegg.

Gebyret blir rekna per anlegg.

Det årlege gebyret blir belasta eigar av avlaupsanlegg.

Kapittel 5. Gebyr for sakshandsaming og kontroll med utslepp eller påslepp av oljehaldig avlaupsvatn

§5-1. Verkeområde

Kapittelet gjeld gebyr for sakshandsaming og kontroll/tilsyn kommunen har med utslepp eller påslepp av oljehaldig avlaupsvatn frå:

- a. bensinstasjonar,
- b. vaskehallar for køyretøy,
- c. motorverkstadar,
- d. busstaminalar,
- e. verkstadar og sentralar for klargjering av køyretøy, anleggsmaskinar og skinnegåande materiell, og
- f. anlegg for handsaming av understell

som enten har vaskeplass, smørjehall, servicehall eller liknande, jf. kapittel 15 i forureiningsforskrifta.

§5-2. Sakshandsamingsgebyr for handsaming av søknad om utslepps-/påsleppsløyve

Det skal betalast eit gebyr for sakshandsaming ved:

1. Søknad om løyve til utslepp eller påslepp av oljehaldig avlaupsvatn.
2. Søknad om endring av løyve til utslepp eller påslepp av oljehaldig avlaupsvatn.

Gebyret blir belasta tiltakshavar.

§5-3. Årleg gebyr for kontroll/tilsyn av anlegg med utslepp/påslepp av oljehaldig avlaupsvatn

Det skal betalast eit årleg gebyr for kontroll og tilsyn av anlegg o.l. som nemnt i § 5-1.

Gebyret blir rekna per anlegg.

Det årlege gebyret blir belasta eigar av anlegg.

Kapittel 6. Gebyr for sakshandsaming og kontroll med påslepp av feitthaldig avlaupsvatn

§6-1. Verkeområde

Kapittelet gjeld gebyr for sakshandsaming og kontroll/tilsyn kommunen har med påslepp av feitthaldig avlaupsvatn frå verksemd, jf. kapittel 15A i forureiningsforskrifta.

§6-2. Sakshandsamingsgebyr for handsaming av søknad påsleppsløyve

Det skal betalast eit gebyr for sakshandsaming ved:

1. Søknad om løyve til påslepp av feitthaldig avlaupsvatn frå verksemd.
2. Søknad om endring av løyve til påslepp av feitthaldig avlaupsvatn frå verksemd.

Geburet blir belasta tiltakshavar.

§6-3. Årleg gebyr for kontroll/tilsyn av feittutskiljarar

Det skal betalast eit årleg gebyr for kontroll og tilsyn av feittutskiljarar.

Geburet blir rekna per feittutskiljar.

Det årlege geburet for kontroll og tilsyn blir belasta eigar av feittutskiljar.

Kapittel 7. Gebyr for tilsyn med forbod mot fyring med mineralolje

§7-1. Verkeområde

Kapittelet gjeld gebyr for tilsynet kommunen gjer i samband med forbodet mot fyring med mineralolje etter forskrift om forbod mot bruk av mineralolje til oppvarming av bygg.

§7-2. Eingongsgebyr for tilsyn

Det skal betalast eit eingongsgebyr ved tilsyn dersom kommunen avdekkjer lovbrøt.

Geburet blir belasta eigar.

Kapittel 8. Ikraftsetjing

§8-1. Ikraftsetjing

Forskrifta trer i kraft frå dd. mmmm 202X.